



FDU-INKINGI
Forces Démocratiques Unifiées
United Democratic Forces



☐: (+250) 728636000

☐ info@fdu-rwanda.com

☐: (+32)478973762, (+33)650293997, (+44)7982381717

<http://fdu-rwanda.com>, <http://victoire-ingabire.com>

COMITE DIRECTEUR – STEERING COMMITTEE

"Pour un Etat de Droit, la Démocratie et l'Egalité de chances" ; "For the rule of law, democracy and equal opportunity"

ITANGAZO RIGENEWE ABANYAMAKURU

LETA YA FPR IKOMEJE GUHOHOTERA UBURENGAZIRA BW'IKIREMWA MUNTU : THEOPHILE NTIRUTWA YABONETSE NYUMA Y'IMINSI IBIRI YARAMAZE AKORERWA IYICARUBOZO

Ku cyumweru tariki ya 18 Nzeri 2016 nibwo umuyobozi wa FDU-Inkingi mu rwego rw'ibanze rw'umugi wa Kigali yaburiwe irengero ashimuswe, mu ma saa tanu z'ijoro ku isaha y'i Kigali.

Nkuko nyir'ubwite yabidutangarije, yibwe n'abasirikare bamuteze atashye iwe kuri moto, imodoka zabo zimwitambika imbere, maze bamaze kumukura kuri moto ye, bamwinjiza ku ngufu mu modoka yabo, bamuboha amaguru n'amaboko bamupfuka igitambaro mu mutwe, maze bamujyana ahantu atamenye neza kuberako bari bamupfutse amaso. Ariko akeka ko ari mu kigo cya gisirikare cy'i Kami bamujyanye akurikije igihe bamaze bagenda ndetse n'utwo yashoboye kubona mu gihe gito bamupfukuraga amaso.



Figure 1 Théophile Ntirutwa atarashimutwa



Figure 2 Théophile Ntirutwa amaze kurekurwa yahondaguwe mu mutwe

Amaze kugera aho yari afungiyeye, Bwana Ntirutwa Théophile yarakubiswe cyane arakomereka maze bituma abamushimuse bamuvuza ngo bahishe ibyo bikomere yatewe no gukubitwa ingumi, imigeri ndetse n'ibibuno by'imbunda.

Aho yari afungiyeye, Bwana Ntirutwa Théophile yahaswe ibibazo byinshi ariko anakorerwa iyicwarubozo akubitwa ku ntoki, mu mutwe no mu mbavu nkuko amafoto ye mbere yo gushimutwa na nyuma yo kurekurwa abyerekana.

Bamaze kwinjira muri telefone ye igendanwa banabonye abo yandikirana nabo, yahaswe ibibazo birebana n'ishyamba FDU-Inkingi, uburyo rikora, amazina y'abayoboke baryo, adresse y'abayobozi baryo ndetse n'ay'abantu bose bavugana baba abo mu Rwanda cg hanze y'igihugu, ndetse bagera naho bamutwerera kuvugana na Général Kayumba Nyamwasa, umuhuza bikorwa wungirije w'ihuriro Nyarwanda RNC banamubaza aderesi y'aho yaba atuye.

Mbere yo kujya kumuta ku musozi wa Rebero aho bamurekuriye bamusabye kwitandukanya n'ishyamba FDU-Inkingi ndetse banamwizeza ko nabikora azafatwa neza akabona n'ishimwe.

Tel : (+250)728636000, (+32)478973762, (+33)650293997, (+44)7982381717, info@fdu-rwanda.com
<http://fdu-rwanda.com>, <http://victoire-ingabire.com>

Join us on **Facebook**: <http://www.facebook.com/pages/Victoire-Ingabire-Umuhoza-for-President/109504816547> - Watch us on **YouTube**: <http://www.youtube.com/user/FDUInkingi123> - Follow us on **Twitter**: <http://twitter.com/VictoireUmuhoza>



Figure 3. Figure 4Théophile Ntirutwa amaze kurekurwa yakorewe iyicarubozo mu mutwe no ku ntoki

Ishyaka FDU-Inkingi rirashima ubutwari bwa Bwana Ntirutwa wanze gukangwa n'iryo terabwoba no gushukishwa uduhendabana, kandi rirashimira abantu bose n'imiryango yita ku burenganzira bw'ikiremwa muntu bakoze ibishoboka byose ngo Bwana Ntirutwa aboneke agihumeka.

Biragaragara ko iri shimutwa riri mu mugambi munini wo gutera ubwoba abatavuga rumwe n'ubutegetsi bwa FPR-Inkotanyi cyane cyane abayoboke b'ishyaka FDU-Inkingi. Iri shimutwa rije rikurikira ifatwa ry'uwungirije umubitsi wa FDU-Inkingi, Mlle Gasengayire Léonille uheruka gukatirwa gufungwa ukwezi ngo mu gihe hagishakishwa abamushinja ibyaha yabeshyewe byo guhamagarira abaturage kwigomeka ku butegetsi, ndetse rije rikurikira iyicwa rya Mme Iragena Illuminée wayoboraga umuryango udaharanira inyungu wita ku batishoboye bo mu mugwi wa Kigali nawe washimuswe nyuma akaza kwicirwa ahantu hakekwa ko haba ari mu kigo cya gisirikare cy'i Kami.

Na none kandi ejo bundi kuri 18 Nzeri 2016, Bwana Jean Marie Vianney Kayumba umuvugizi w'ishyaka ritavuga rumwe n'ubutegetsi rya PDP Imanzi nawe yarafashwe ku mpvu zitaramenyekana ariko biboneka ko zifite aho zihuriye n'uyu mugambi muremure wo gucecekesha abatavuga rumwe n'ubutegetsi.

Ishyaka FDU-Inkingi ryamaganye ryivuye inyuma ibi bikorwa bigayitse kandi ryongeye gusaba Leta y'u Rwanda kubihagarika kuko nta terabwoba na rimwe rishobora guca intege ubushake bw'abaturarwanda bwo kwishyira bakizana mu mahoro na demokarasi isesuye.

Ishyaka FDU-Inkingi rirasaba kandi umuryango mpuzamahanga ndetse n'ibihugu bishyigikiye Leta y'u Rwanda n'ibiyitera inkunga kuyihatira kwemera gufungura urubuga rwa Politiki maze ikareka Abanyarwanda bose bagakora ibyo Itegeko Nshinga ribemerera byo kwishyira hamwe no kugaragazo ibitekerezo byabo mu miyoborer y'igihugu.

Bikorewe i Paris mu Bufaransa, ku ya 21 Nzeri 2016
Mu izina rya FDU-Inkingi
Dr Emmanuel Mwiseneza
Umunyamabanga Mukuru wa Kabiri
Contact : emwiseneza@hotmail.com

Tel : (+250)728636000, (+32)478973762, (+33)650293997, (+44)7982381717, info@fdu-rwanda.com

<http://fdu-rwanda.com>,

<http://victoire-ingabire.com>

Join us on **Facebook**: <http://www.facebook.com/pages/Victoire-Ingabire-Umuhoza-for-President/109504816547> - Watch us on **YouTube**: <http://www.youtube.com/user/FDUInkingi123> - Follow us on **Twitter**: <http://twitter.com/VictoireUmuhoza>